

139  
地360.139  
137  
:6.

卷十二

河渠志

水道  
諸泉

卷十三

河渠志

橋梁

卷十四

河渠志

津渡  
隄附

興義府志





興義府志卷十二目錄

河渠志 水道 諸泉附

興義府全境水道

木狼河	花橋河	魚龍河	北盤江	深溪河	馬別河
魯溝河	阿棒河	把蘭河	樓下河	猪場河	泥底河
八臥溪	冗渡河	八渡江	塊澤河	黃泥河	江威河
板貴河	羅炎河	桑郎河	者黨河	籠納溪	都樂河
西坡河	西寧河	馬小溪	樂繁河	達嶺河	百樂河
者馬河	大章河	阿足河	阿畢河	拖長江	者卜河
虎場河	花障河	湯黑河	湯黑河	阿湯河	都城河
筏子河	馬路河	湯黑河	湯黑河	湯黑河	洗馬河

興義府親轄境泉

珍珠泉	北海子	以冲海	綠海井
澈處海	西龍井	鍋背海	

興義縣泉

烏龍泉	核桃井	三台泉	響水井	碧雲泉
三屯泉	龍潭	靈跡池	穆家井	七孔塘

興義府志 卷十二 目錄

普安縣泉

大龍潭	龍飲池	朝陽泉	清源泉	爆石泉
磨盤瀑布	白斃泉	永澄泉	龍翔泉	雙清泉

安南縣泉

尾灑泉	碧玉泉	飲馬池	龍翔泉	雙清泉
盤江泉	碧玉泉	永澄泉	清源泉	爆石泉

岐山瀑

白巖瀑	清潭池	三潮水	龍翔泉	雙清泉
斷山瀑	龍潭池	飲馬池	清源泉	爆石泉

貞豐州泉

安樂井	清涼泉	東龍井	西龍井	石峽泉
蟠龍泉	大水井	田壩井	小水井	一椀井

冊亨泉

雙龍泉	南屏泉	寒泉	萱年海	溫泉
-----	-----	----	-----	----





興義府志卷十二

興義府知府張鏞纂修

河渠志

水道

宋高似孫撰噸縣志。紀山水。仿酈道元水經注例。脈絡井井。後人稱之。謂可為地志紀山水之法。今仿其例。境內之水。盤江為大。故首志盤江。郡境盤江有二。一曰南盤江。一曰北盤江。南盤江在境南。黔粵以此江分界。江之南為廣西西隆州。凌雲縣地。江之北則興義府。興義縣。貞豐州。及册亨地也。北盤江在境東北。江之北為永甯州及羅斛地。江之南則安南縣貞豐州地也。志水道。

南盤江

興義府志

卷十二

水道

貴陽文通書局代印

南盤江。即古牂柯江也。今又名曰紅水江。在郡境南。故曰南盤江。源出雲南曲靖府。經澂江府。廣西府。至羅平州。東流。入興義縣之西南界。塊澤河。南流注之。江之南為廣西之西隆州境。

按南盤江。即古牂柯江。伏讀

御批通鑑輯略注云。牂柯江。即今貴州之盤江。夜郎。即今南籠諸

府地。古牂柯江。即今南盤江也。南盤江之源。出曲靖府。方輿紀要云。南盤江。

出曲靖府東南二十餘里。石堡山下。下流。經雲南澂江廣西三府境。至羅平州東流。

入興義縣境。曰三江口。是為三省交界處。江之西北為雲南羅平

州境。江之東北為貴州興義縣境。江之南則廣西之西隆州境也。

又東流。至興義縣之西南界。土人以其經西隆之八達。呼為八達

河。以其水紅。又呼為紅水江。塊澤河詳後。



又東流。至興義縣東南界。馬別河。南流注之。

按東流。至興義縣之西南界。曰。上紅水江。又東流。至縣之南界。曰。中紅水江。又東流。至縣之東南界。馬別河口。曰。下紅水江。馬別河詳後。

又東北流。至興義府西南界。都威河。南流注之。

按自馬別河口。東北流。經府西南之岵皓亭。土人又呼為岵皓河。又東北流。都威河注之。江在府境。有岵皓。徽老。羅四。三渡。渡江而南。為廣西西隆州境。都威河詳後。

又東北流。至册亨城南界。八臥溪。南流注之。江之南。皆西隆州界也。

按東北流。經册亨城之南界。八臥溪注之。土人又呼為八渡江。江在册亨。有坡脚。板屯。灣甸。板壩。八渡。等渡。渡江而南。為西隆州境。江至八渡。廣處十餘丈。狹處六七丈。深不見底。夏秋水紅。春冬水

興義府志

卷十二

水道

清。為黔粵商旅所必經。八臥溪詳後。

又東流。至貞豐州東南界。北盤江。南流。匯羅炎河水。注之。

按江流。至册亨之八渡。粵舟自潯象。沂柳宜而西。可達此。自八渡。東經百樂祥巖。則入貞豐州界矣。又東流。北盤江。納羅炎河水。南流至雙江口。匯注於南盤江。羅炎河詳後。

又東流。桑郎河。南流注之。又東流。出貞豐州境。入羅斛界。江之南。皆凌雲縣界也。

按南盤江。東流經渡邑亭。又東流。桑郎河注之。貞豐羅斛。以桑郎河分界。

又按明羅玘廣輿圖云。牂柯江。析流為盤江。明鄭峯山牂柯江解云。牂柯江為盤江。無可疑者。又伏讀。



御批通鑿輯略注云。牂柯江。即今貴州之盤江。普安州志亦云。盤江。即牂柯江。為牂柯上游。此皆盤江即牂柯江之證也。乃諸書考牂柯江者。紛如聚訟。明郭子章黔書。則指定番之濛江。通志。則指獨山之都江。梧州府志。則指梧州之梧江。田雯牂柯江考。則指遵義之烏江。思南之印江。巴江。謝庭薰牂柯江辨。則又指黃平之重安江。今謹遵。

御批輯略注。以折衷衆說。斷為盤江。即牂柯江云。

### 北盤江

北盤江。亦即古牂柯江也。今又名曰。清水江。在郡境東北。故曰北盤江。源出威甯州之西界山。至水城廳。東南流。入安南縣東北界。又東南流。拖長江注之。江之東。則郎岱廳境也。

### 興義府志

#### 卷十二

水道

三

貴陽文通書局代印

按南北兩盤江。皆即古之牂柯江。史記言唐蒙。由牂柯江。入南越。今南盤江。通粵東。此南盤江。即牂柯江之證也。史記又言莊蹻。由牂柯江。入滇。今北盤江。為入滇必經。此北盤江。即牂柯江之證也。又按北盤江之源。出威甯之西界山。諸說不同。附辨於後。會可渡河水。至水城。又匯黃泥河。又東南流。入安南縣。至毛口。曰毛口河。明一統志云。盤江在安南城東四十里。源自西堡諸溪。經皮古毛口諸屯。合規驛道。經模小溪。水。至下馬坡。轉南入巖穴。或隱或見。下通南盤江。驛道經此。有渡。曰西林渡。是鄂西林相國所置也。明史所云。毛口種落。皆在河側。又東南流。至故盤江驛。東北。拖長江。詳後。又東流。至安南縣東界。馬別河東北流注之。江之東北。則永甯州界。東則歸化廳界也。

按東流。至安南縣之保甸。馬別河注之。

馬別河詳後。



又東南流。至貞豐州東界。魯溝河東流注之。

按東南流。經九盤山下。永甯州之江外馬地。在江之西。與普安縣之阿計里接界。此安南普安。與永甯。犬牙相錯地也。江至九盤江。又名清水江。又東南曰花江。貞豐永甯之所分界也。花江有渡。左右峭巖。行者危慄。自永甯趨貞豐興義。道出於此。江又東南流。甯穀河。西流注之。又南流。歸化河。西流注之。甯穀河。屬安順。歸化河。屬歸化。不屬府。不具書。又東南流。入貞豐歸化界。又南流。魯溝河注之。魯溝河詳後。

又東南流。至貞豐州東南界。匯羅炎河水。入於南盤江。

按東南流。至貞豐之羅炎塘。羅炎河。東南流注之。匯而東南流。入南盤江。識略云。北盤江。至貞豐。名清水江。經九盤。花江。板貴。董箐。

百層者坪。羅炎。打賓者香。渡邑。下會紅水江。其言是也。羅炎河詳後。

又按識略云。北盤江。經普安廳。安南縣。郎岱廳。永甯州。普安縣。而南。由三江口。東合于紅水江。是水在威甯曰。可渡河。在郎岱曰。毛口河。在貞豐曰。羅炎河。以其水清。亦曰清水江。診其川流。更無殊派。

又按南北兩盤江之源。其說不一。南盤江源。有七說。北盤江源。有九說。南盤江之源。明史云。出曲靖府北。方輿紀要云。出曲靖府東南石堡山。通志云。發源廣西。徐霞客遊記云。出田州南甯。識略云。導源霑益州之花山洞。或又云南盤江。在水城。又名黃泥河。阮元謂即水經之存水。源出犍為。凡七說各異。今考南盤江之源。實出雲南曲靖府東南二十餘里。石堡山下。南流經陸涼州。又西南流。



經雲南府宜良縣東。又南流。經澂江府路南州西。又東南流。經廣西府西北。又東流。經師宗州西北。又東流。經曲靖府羅平州東南。又東流入興義府。興義府及册亨貞豐境。而與北盤江合流入粵。與方輿紀要所言合。故今從紀要之說。北盤江之源。明一統志云。源出西堡諸溪。徐霞客遊記云。南北兩盤江源。皆出田州南甯。廣輿圖云。出滇南小金沙江。又云。烏撒七星關水。卽北盤江源。鄭峯山云。源出芒部界。明史云。出烏撒西亂山中。方輿紀要云。出烏撒西北亂山中。通志云。出烏撒可渡河。識界云。出威甯西界山。凡九說。亦各異。今考北盤江之源。實出今威甯州之西界山。東南流。變名可渡河。又東南流。經畢節縣西。變名七星關河。又南流。經雲南曲靖府霑益州東北。又東南流。經水城廳普安廳境。入普安縣安

南縣貞豐州境。而注于南盤江。匯流入粵。滇黔紀遊云。北盤江源出烏撒苗境深山中。按烏撒卽今威甯。冬日水涸始見。其泉凡七十七處。俱臨于一溪。繞曲靖府。經畢節。而注于安南。其言是也。南北兩盤江之源。言人人殊。今特彙考明史。明一統志。廣輿圖。方輿紀要。通志。識略。遊記。滇黔紀遊。天下郡國利病書。貴州水道考。水道提綱。以及

皇輿圖。

皇朝一統圖。詳加辨證。并略附諸家考辨于後。以備參稽。

又按盤江之名。始見于蜀志。武侯平朱褒。嘗戰于盤江之東。今貞豐州北三十里。尙有武侯城。其故壘也。又蜀志云。李恢逐北。南至槃江。槃江。卽今之盤江。蜀志作槃者。槃卽古盤字也。厥後盤江之



名。屢見于古書。如水經注云。漏江。東與盤江合。南中志云。宛溫北三百里。有盤江。皆卽此盤江。至唐武德四年。因卽郡地。置盤州。又置盤水縣。並因江以命名也。

附文

牂柯江解

明貴州提學 鄭峯山

牂柯江跡。始見唐蒙。漢武因通道夜郎置郡。近羅念菴作廣輿圖。謂烏撒七星關水。卽牂柯江源。折流爲盤江。經泗城州。稱右江。達泗城。會番禺入海。圖解有齟齬處。然大要卓然得之。顧質之人。鮮有能識者。則以地荒。淪於甌脫。而人壅局於觀聽也。故作牂柯江解。峯山子曰。余弭節蓋度盤江。江廣僅百餘步。自貴筑入滇路。未有不濟盤江行者。沿江上下。絕擊汰之跡。水勢折巖湍汨。土人謂

水漲時。漂筏撞舟。峭壁箐嵐。人跡罕入。下流至打罕。聯泗城界。舟始通焉。比余歷普安。斜出霑益境。趨烏撒衛。校士抵烏撒普德歸驛。驛門對可渡河。河之南。霑益境也。河之北。烏撒境也。驛抵衛城。八十里。詢之候吏云。河水在西百里。注壑而出。從此而東。盤江。乃此水之注也。越衛城北二百餘里。有七星關河。詢之故老云。七星關水。源出芒部界。濱城海子。通水西境。會可渡水爲盤江。第山水峭險。獠獠叢居。以是人無因而至。總前二說。固未晰知牂柯江所在。而牂柯江爲盤江。則無可疑者。按遷史。牂柯江者。莊蹻兵滅夜郎。椽船處也。入滇路。未有不由七星可渡行者。當唐蒙風諭南越也。越人食蒙蜀蒟醬。蒙用蹤跡之。夜郎臨牂柯江。南越以財物役屬之。蒙因說武帝賂誘夜郎。爲置吏。浮師牂柯江。出越不意。此制



越一奇也。武帝由是拜蒙爲中郎將。遂見夜郎候多同。聽蒙約束。還報以爲犍爲郡。至唐時。因以播州之珍州爲夜郎。後人止知珍州之爲夜郎。不知古夜郎。從高戎直通甌駱。地方數千里也。蒙初至夜郎。多同問蒙曰。漢孰與我大。以道不通。故各自爲一州主。不知漢廣大。今人泥區區之珍州。爲漢夜郎。又窘步旁蹊谷。疑指牂柯江。其亦昧莊生秋水之見矣。然當漢四道伐南越也。使馳義侯。因巴蜀罪人。發夜郎兵。下牂柯江。咸會番禺。乃今盤江。灘瀨獮惡。虛無人行。豈古今時異勢殊邪。抑當治道時。二歲費剗夷之力。師過不無罌箬盤剝之苦。至打罕。乃得沛乘舟楫。故兵遲至而南越已平邪。載考八校回軍時。卽擊滅曾反殺漢使者。遂平南夷。置牂柯郡。則自烏撒迤邐而南。皆其地。舊載雲南廣西府。亦牂柯羈靡

屬也。泗城以北。如都勻等處。皆牂柯界內矣。是時邛笮冉驩君長。聞南夷得漢賜過厚。皆求置吏比南夷。乃使司馬相如往賓之。於是關隘斥南。至牂柯爲徼。則越嶲等郡界。接芒部也。然則牂柯江之源委。其亦昭然矣。夫山川經絡。化工神運。余嘗用是而求之。自岷山之陽。至於衡山。蛇蟠虬從。從衡迤南五嶺。皆聳翠束蟠。五嶺者。漢入南越。有五道。行西北山峻。轟然非無可梯。正以夷荒非通道之所耳。以此見牂柯膠戾之山。巋然爲神州之拱臂也。荒徼山蹊。以地圖察其扼要。不過數尺。其間相去數百千里。生長其地者。尙未能習其險易也。唐蒙浮舟牂柯之策。誠爲鑿空。初時臣民驚疑。蠻夷煽動。然勞師殫貨。卒置郡如堵。雖來喜功之譏。自是華夷一統。亦足徵武帝善任成功矣。

見天下郡國利病書



南北兩盤江考

國朝康熙時人顧祖禹

盤江有二源。其出烏撒境內者曰北盤江。北盤江出烏撒境內者曰北盤江。北盤江出烏撒境內者曰北盤江。

又東南流。經畢節西。九十里。亦曰七星關河。又南經永甯州。西南至普安州東境。北盤江出烏撒境內者曰北盤江。

則南盤江流合焉。又東。其出雲南境者曰南盤江。南盤江出雲南境者曰南盤江。南盤江出雲南境者曰南盤江。

里石堡山下。一名東山。河首受白石瀟湘二江之水。匯流於東。南盤江出雲南境者曰南盤江。

良縣東。八十里。曰大池。又南。經路。南盤江出雲南境者曰南盤江。

江之支流。合焉。曰復。南盤江出雲南境者曰南盤江。

盤江。亦謂之盤江。復。南盤江出雲南境者曰南盤江。

經貴州。東。入。曲。靖。府。而。南。盤江出雲南境者曰南盤江。

內謂之左江。南盤江出雲南境者曰南盤江。

流。經。田。州。南。東。境。又。南。盤江出雲南境者曰南盤江。

興義府志

卷十二

水道

八

貴陽文通書局代印

又東。經。橫。州。城。南。又。東。經。貴。縣。城。南。又。東。經。潯。州。府。城。南。至。城。東。

通。州。府。舊。志。云。左。江。一。名。南。江。以。在。廣。西。南。城。也。一。名。鬱。江。以。潯。

內者。又有三源。其一曰福祿江。一曰都勻江。一曰都泥江。流經廣。

西境內。謂之右江。左右江。合流於廣東境內。謂之西江。至廣州府。

南。而。入。於。海。見。讀。史。方。輿。紀。要。

北盤江考

顧祖禹

北盤江。出烏撒西北百五十里。一統志。盤江有二源。北流曰北盤。

千餘里。至平伐。橫山。皆未備。一統志。雖言有二源。而源所從出。

者。蓋不詳。其源。合於平伐。橫山。皆未備。一統志。雖言有二源。而源所從出。

之可渡河。又東南為七星關河。折而南。經雲南霑益州界。入貴州。

境。經安南衛東。又南經永甯州西境。普安州東境。盤迴曲折於山。



箐間。陰翳蒙密。夏秋多瘴。安南志。盤江兩岸。崖壁阨束。林木深阻。江流闊狹無時。隱見不一。藏垢伏穢。蒸

瘴。流經慕悅。長官司東南。而南盤江流合焉。又東南入廣西泗

城州境。陶弼云。盤江。即牂柯江也。漢武帝時。唐蒙欲浮船牂柯以

制越。武帝遂使馳義侯。發夜郎兵。下牂柯江。會番禺。諸葛武侯南

征。亦至盤江。此貴州西南境之大川也。見讀史方輿紀要。

### 盤江考

國朝乾隆貴州學政晏斯盛

自莊躋略地。椽船且蘭。而牂柯江始出。然循江循沅。前後漢書異指。江沅番禺。莊躋唐蒙殊歸。桑欽酈元。西南未覈。山溪分合。略而不詳。予既著牂柯江論。復據遊覽所經考證圖志。記其水道。存隅識焉。盤江。廣輿圖以為牂柯江水。水出滇南小金沙江。至威甯府界。東南流為可渡河。有橋曰可渡橋。山曰分水嶺。威甯舊烏撒衛

## 興義府志

### 卷十二

水道

九

貴陽文通書局代印

也。明鄭氏曰。予弭節西南。抵烏撒。普德歸驛。驛門對可渡河。湫詢水所從。候吏稱水在西百里。注壑而出。流為盤江。又曰。越衛城北二百餘里。有七星關河。源出芒部界。濱城海子。通水西境。會可渡為盤江。第山水峭險。狻獠叢居。以是人無因而至。據今七星關水。為分水嶺所界。東出烏江。不注可渡。又小金沙江。一名北金沙江。來自吐番。由雲南麗江府之塔城關。入中國。經鶴慶姚安武定東川諸府。至四川之叙州府。與岷江合。入於東海。與盤江之從粵。以入南海者。源流迥異。則鄭氏後說。與廣輿圖所載。俱舛矣。可渡河。又東南流。迤西至木東汛。有花魚洞水。西來注之。又南至龍場汛。有水自曲靖府流來注之。又南至安南縣東北。有落白河。自曲靖府界。東流來注之。又東至永甯州西。安南縣東。是為盤江。有橋曰



盤江橋。爲入滇孔道。兩山夾行。水勢湍駛。不利操舟。亦難架石。明參政朱家民。冶鐵爲紐。懸兩崖間。覆以板。東西各建樓堞。行者賴之。尋爲賊毀。

國朝經略洪承疇。統大兵定滇。濟此復完。至今歲用修繕不廢。盤江又南至普安州東。又南至九盤山。越東至花江汛。南有白水河。得永甯州北之關嶺壩陵橋水。南流至鎮甯州西。而南合菜子河水。至甯谷司。又南合永豐州西北之打罕河。南來注之。又有拖長江。自普安州沙泥崖。東南流來注之。又有卜者河。軟橋河。板橋河。東南流注之。又南籠府有都威河。自安南縣界。得江西坡水。至高武汛西。合馬畢河。南流合魯溝河。過普市合大坡哨水。東過府南界。而東流注之。盤江水。又南至永豐州西南。而東南過泗城府。入

於粵。達於海。

見通志。

盤江考

乾隆永甯州學正

李肇基

盤江。散見於滇黔粵西。其在滇者。若宜良。廣西。皆曰巴盤江。若陸涼。臨安。阿迷。甯州。徵江。師宗。陽宗。南甯。皆曰盤江。乃若曲靖之南。盤江。霑益之北。盤江。羅平之盤江。則黔盤江之上流也。其在粵西者。則果化。奉議。田州。皆曰南盤江。泗城南甯之南盤江。則黔盤江之下流也。黔盤江。在普安州安南縣之東。永甯州之西。兩岸陡絕。一水湍駛。既難架石。亦難操舟。明崇禎朝。參政朱家民。冶鐵爲紐。懸兩崖間。覆以板。東西各建樓堞。是爲鐵索橋。前此唐之時。普安安南永甯等處。稱盤州。卽以此盤江得名也。又前此漢之時。武侯平南中。戰於是水之南。有盤江諸葛營。朱褒之反。李恢追至盤江。



卽此也。考黔盤江上流。明史云。烏撒府西。有盤江。出府西亂山中。經府南爲可渡河。入畢節衛界。曲靖府北。有白石江流。合城南之瀟湘江。又東南。合左小江。亦謂之南盤江。下流環雲南。澂江廣西三府之境。至羅平州。入貴州界。霑益州北。有北盤江。其上流卽貴州可渡河。流入州境。又東南流。貴州安南衛。羅平州東南。有盤江。下流貴州募役司。通志云。盤江源出烏撒可渡河。可渡河東南流。迤西木東汎。有花魚洞水。西來注之。又南至龍場汎。有水自曲靖府界流來注之。又南至安南縣東北。有落白河。自曲靖府界東流注之。陳鼎滇黔紀遊云。盤江源出烏撒苗境。深山中。冬月水涸。始見。其泉凡七十七處。俱臨於一溪。遶曲靖府。經畢節而注於安南。觀此則黔盤江之上流可見矣。考黔盤江之下流。通志云。盤江水。

又南至九盤山。迤東至花江汎。南有白水河。得永甯州之關嶺灞陵橋水。南流至鎮甯西。而南合菜子河水。至甯谷司。又南合永豐州西北之打罕河。南來注之。又有拖長江。自普安州沙泥巖。東南流來注之。又有卜者河。軟橋河。板橋河。東南流注之。又南籠府有都城河。自安南縣界。得江西坡水。至高武汎。西合馬畢河。南流合魯溝河。過普市。合大坡哨水。東過府南界。而東流注之。又南至永豐州西南。而東南過泗城府。入於粵。達於海。明史云。泗城州西。有南盤江。自貴州募役司。流入下流。爲南甯府之左江。南甯府之宣化州西南。有大江。其上有二。一爲南盤江。經府城南。曰右江。觀此則黔盤江之下流可知矣。明史云。安順府西南。有北盤江。自雲南霑益州流入。永甯州西。有北盤江。自普安州流入。募役司東。有北



盤江與永甯州分界。東南流。南盤江。自雲南羅平州來合焉。頂營司西。有盤江。普安州東。有盤江。安南衛有北盤江。自雲南霑益州流入。又南入安順府界。所稱盤江不同。夫募役頂營之盤江。即永甯州所屬之盤江也。即安順府西南所屬之盤江也。即普安州安南縣同有之盤江也。蓋同一盤江。安順府、永甯州、募役司、頂營司、錯居江之東。普安州、安南縣、錯居江之西也。如史所言普安州、頂營司、何以獨言盤江。而不分南北盤江。安順府、永甯州、募役司、安南縣、何以言北盤江。而以南盤江。雜於其間。按募役司東。為郎公河。受白水河、灞陵等河之水。而南注於盤江。如史言東有北盤江。流入南盤江。是以郎公河為北盤江。又以永甯安南之所謂北盤江。而為南盤江。然則永甯安南之盤江。果為北盤江耶。南盤江耶。

史於一盤江。而何以有忽北忽南之說。或倣滇之紀南盤江於曲靖。紀北盤江於霑益。而不知證之地形。而多有不可解者矣。且募役司地。皆永甯州地。何以言東有北盤江。與永甯州分界耶。正史固可為張本。而有可疑者。亦安得不存疑焉。見永甯志

南北二盤江考

道光貴州巡撫 愛必達 長白人

北盤江。界滇黔於西南。源自威甯州西界山。入滇霑益宣威二州界。仍流自黔。東逕普安廳、普安縣、安南縣、郎岱廳、永甯州。而由三江口。東合於紅水江。是水在威甯。曰可渡河。在郎岱。曰毛口河。在貞豐。曰羅炎河。以其水清。亦曰清水江。診其源流。更無殊派矣。又

北盤江。源出威甯。折而南。經霑益。入貴州界。曰可渡河。又折東流。至大山。而伏。又東南。二十餘里。出山。東南流。曰天生橋。又東南。經安南縣境。始曰盤江。又東南。經永甯州西境。即今之鐵索橋。與永甯州夾江為界者也。其間崖壁扼束。林箐深阻。江流紆回。隱見。廣



不過里許。至沙麓津。則上下皆迫狹。鬱蒸瘴癘。行旅艱阻。嘉靖初。嘗疏滌之。又云。北盤江。入安南縣境。經永甯之募役長官司。沿貞豐州界。九盤山下。為清水江。其江萃上游山溪諸水。狹深湍激。經九盤花江。板貴。董箐。百層者。坪羅。炎。打賓者。香。渡。邑。諸處。下會紅水江。入南盤江。導源霑益州之花山洞。經南甯縣東。為東小河。又經陸涼州東。為中延澤。又經宜良縣東北。為大赤江。又南經路南州西。為巴盤江。又東南。經師宗。彌勒二縣。環曲靖。雲南。澂江。三府。廣西一州之境。至羅平州。入貴州界。經郡城南。謂之紅水江。亦曰。巴皓河。經册亭。亦曰。八渡江。劃黔粵之界。會北盤江。入粵。達於海。洪亮吉水道考。以為即水經注之溫水也。又云。興義縣巴皓河者。焉。即紅水江也。又云。南盤江。源出霑益花山洞。即紅水江。經郡南。自西南入貞豐州境。其水四時皆赤。故名紅江。沿册亭。流至雙江口。入廣西泗城府界。謂之左江。注于海。又云。册亭。紅江。俗名八渡江。即南盤江也。○見識畧。

按田雯牂柯江考。謝庭薰牂柯江辨。其說各異。不具錄。

興義府志

卷十二

水道

十三

貴陽文通書局代印

附詩

過牂柯江

元陳孚

青草風吹毒霧腥。交州何在溟溟。牂柯已恨天涯遠。又過牂柯

二十程。見通志

過牂柯江

元李景山

歸歎何日是真歸。慙愧山林與願違。垂老八千餘里謫。回頭四十九年非。窮邊野水黃雲渡。夢裏田家白板扉。珍重沙禽頻見下。也

應知我久忘機。見通志

盤江驛題壁詩

明洪武閩中太守妻宋氏金華人

按孝婦金華人。學士宋景濂之族也。適衢州進士。夫守閩中。以被誣。死於獄。母妻編成金齒。孝婦至盤江。作此詩。題於驛壁。



郵亭咫尺堪投宿。手握親姑憇茅屋。拖薪就地把鋪攤。交頭相向吞聲哭。旁人問我是何方。俛首哀哀訴衷曲。妾家祖居金華府。海道曾爲二千戶。舉艘載粟大都回。金牌勅賜飛雙虎。弟兄晦迹隱山林。甘學崇文不崇武。今朝玉堂宋學士。亦與妾家同一譜。笄年向嫁衢州城。夫婿好學明五經。離騷子史徧搜覽。志欲出仕甦蒼生。前春郡邑忽交辟。辭親千里赴神京。丹墀對策中殿舉。馳書歸報全家喜。承恩出拜閬中守。飄然畫舫西南去。到官未幾訪遺老。要把奸頑盡除掃。日則升堂治公務。夜則挑燈理文稿。守廉不使纖塵污。執法致遭僚佐怒。府推獲罪苦相攀。察院來提有誰訴。臨行囊橐無錙銖。惟有舊時將去書。城中父老泣相送。道旁觀者咸嗟吁。一時徵贖動盈萬。妾夫自料無從辦。經旬苦打不成招。暗囑

家人莫送飯。嗟嗟餓死囹圄中。旗軍原籍來抄封。當時指望耀門戶。豈期一日變爲空。親鄰憐妾貧如洗。斂銀殷勤餽行李。伶丁三口到京師。奉旨編軍戍金齒。阿弟遠送龍江邊。臨歧抱頭哭向天。姊南弟北兩相痛。別後再會知何年。開船未遠子病倒。求醫問卜皆難保。武昌城外野坡前。白骨誰憐葬青草。初時有子相依傍。心安且不憂家蕩。而今子死姑年高。縱到滇南有誰望。八月官船渡常德。促裝登途整行色。空林日暮鷓鴣啼。聲聲叫到行不得。上山險如登天梯。百戶發放來取齊。雨暗泥滑把姑手。一步一仆身沾泥。曉來走向雲中宿。神思昏昏倦無力。五更睡重起身遲。飯鍋未熟旗頭逼。翻思昔日深閨裏。遠行不出中門外。融融日影上闌干。花落庭前鳥聲碎。寶髻斜簪金鳳翹。翠鈿鮮簇畫眉嬌。繡牀新繡



雙蝴蝶。坐久尙怯春風饒。豈知一旦夫亡後。萬里遐荒要親走。半途日暮姑云餓。欲丐奉姑羞舉口。同來一婦天台人。情懷薄似秋空雲。喪夫未經二十日。畫眉重嫁鹽商身。血色紅裙繡綠襖。終日騎驢馳長道。穩坐不知行路難。揚鞭笑指青山小。取歡但惑新人心。那憶舊夫恩愛深。吁嗟風俗日頹敗。廢盡大義貪黃金。妾身茫茫如淡水。甯受饑寒不受恥。幾回欲葬江魚腹。姑存未敢先求死。前途姑身少康健。辛苦奉姑終不怨。姑亡妾亦隨姑亡。地下何慙見夫面。說罷傷心淚如雨。咽咽垂頭不能語。道旁過者爲心酸。隔嶺哀猿叫何許。

見鐵橋志。寄園寄所寄。

### 盤江行

明宏治陝西提學 何景明 信陽人

四山壁立色如赭。盤江橫流絕壁下。驚濤赴壑奔萬牛。峻架懸空

容一馬。危叢古村何陰森。尋常行客誰敢臨。猿婦清晨出深洞。虎羣白晝行空林。沉潭之西多巨石。短棹輕舟安可適。日光射壁蠻烟黃。雨氣蒸江瘴波赤。土人行泣向我云。此地前年曾敗軍。守臣祇知需貨利。將士欲苟圖功勳。英雄謀策自有術。竄婦奸男何足論。營中鼓角連雲起。陣前臨山後臨水。烹牛釀酒自酣樂。傳箭遺弓尙驚喜。戰馬俱爲山下塵。征夫盡向江中死。遂令狐豕成其雄。屠邊下砦轉相攻。千家萬家鷄犬盡。十城五城烟火空。夕陽愁向盤江道。黃蒿離離白骨槁。魂入秋空結怨雲。血染春原長冤草。只今異域來歸王。高墩短塹俱已荒。牧童驅羊上瑩冢。田夫牽牛耕戰場。惟有行人長歎息。聞說盤江淚沾臆。

見何大復集

### 經盤江

明宏治時人 杭淮



踰岡陟嶺兼多病。臘盡春來不記程。瘴水已知多客淚。窮山只是  
有人行。緣巖晝霧愁俱黑。觸馬春花眼一明。西蜀未知天下險。老  
夫筋力盡南征。見雙溪集

盤江行 明正德 楊慎 成都人

可憐盤江河。年年瘴癘多。青草二三月。綠煙生碧波。行人好經過。

見楊升菴集

盤江阻雨 明嘉靖 江徐中行 長興人

天連益部長多雨。路出盤江况毒淫。春早蟄龍蒸赤水。夜深山鬼  
嘯青林。已憐遠道妻孥累。更恐年衰瘴癘侵。吹笛袁生應好在。懷

予堪和武溪吟。見明詩別裁集

過盤江 明隆慶 杜拯 豐城人

泛泛盤江三月天。一篷瘴雨夜郎船。渡頭草樹雲垂鎖。袖裏檳榔  
客自憐。太液恩波勞夢想。劍池春水隔風烟。臨流此際情何限。極

目湘雲思渺然。見石刻

盤江放歌 康熙 安田榕 玉屏人

盤江之水滔天流。趨峽赴壑奔萬牛。花魚洞口始澎湃。七星關外  
斜陽愁。勢與日月相噴薄。氣使毛髮皆飈飈。烏蠻萬里一傾瀉。交  
匯百粵千龍湫。華陽黑水禹貢地。鬼方靡莫羈縻州。吾聞夜郎王  
自大。漢家鑿空空相求。黃龍盟誓有反覆。白虎習俗相仇讎。猗歟  
八荒今我闢。百蠻慕義如唐菽。西北越嶲南响叮。鐵絙雲棧相連  
鈎。地利終古此天塹。健兒短後邊防秋。旌竿昱曜滿雲直。畫角慘  
淡山之幽。太平豈獨征戰少。江山清空無霧霏。虎豹遁逃瘴癘息。



江花江草無時休。象馬竇幪輸貢稅。燒畬墾岱安田疇。徑須解鞍  
貫斗酒。痛飲一快平生遊。見碧山堂詩集

盤江曲

鄭僑

兩岸橫青嶂。驚濤撼遠城。鐵橋連古寺。鐘鼓鬥江聲。

見安南志

深溪河

深溪河。源出普安縣之青山。西南流至興義縣之馬別橋。變名馬別  
河。南流入于南盤江。

明一統志云。深溪河。出未家寨。西南流。經黃草壩。曲折三百里。入  
烏泥江。

會典云。馬別河。上源曰深溪。自普安廳。流入興義府界。阿溪河。東  
西二源。出普安縣南。合而南流來會。

興義府志

卷十二

水道

十七

貴陽文通書局代印

按深溪河。源出普安縣之青山。南流五十里。至興義縣之上瓦戛。

左納阿溪河水。

阿溪河詳後。

又南流。右納一水。

水出平夷縣之那列田。東流入深溪。

又納

花橋河水。

花橋河詳後。

又東南至馬別橋下。變名曰馬別河。又東南流。

入于南盤江。

馬別河

馬別河。上源曰深溪河。東南流至興義縣馬別橋。變名曰馬別河。又  
東南流。經天生橋。右納魚龍河。南流至壩鎖。入山下。伏流而入于南  
盤江。

通志云。馬別河。在普安縣南八十里磨盤山下。

會典云。馬別河。上源曰深溪。自普安廳。流入興義府界。

識略云。馬別河。在普安縣城南磨盤下。山峭水深。飛瀑下垂。為通



滇官道。設有塘汛。水道提綱。作馬軍河。誤也。按深溪河。自普安縣之青山。東南流至興義縣之馬別橋。變名曰馬別河。又東南流二十里。經天生橋。東南左納魚龍河。魚龍河。詳後。又南流。至壩鎖。入山下。伏流而入于南盤江。或云。馬別河。即古之橋水。天生橋。即古之橋中。留入潭。母撥。即今興義縣之南境。及西隆州北境。馬別河。經天生橋。注南盤江。至象州柳江以西。漢時皆名之爲橋水。姑存其說。以備考。

阿溪河。樓下河。猪場河。泥溪。木狼河。附。

阿溪河。有二源。北源出普安縣之樓下營。又名樓下河。南源出狗場之發多寨。又名猪場河。南流至興義縣之上瓦憂。與北源合流。又名泥溪。又名木狼河。南注于深溪。

會典云。深溪。自普安廳。流入興義府界。阿溪河。東西二源。出普安

興義府志 卷十二 水道 十八 貴陽文通書局代印

縣南。合而南流來會。

識略云。阿希河。自普安縣東南出。西南流注于馬別河。按阿溪河。一名阿希河。有二源。其北源出普安縣之地瓜坡。流百二十里。至樓下營。又名樓下河。西南流。與南源合。南源出狗場之發多寨。北流爲猪場河。又四十里。至興義縣之上瓦憂。與北源合。又名泥溪。又名木狼河。南注于深溪。匯馬別河。而入于南盤江。

花橋河

花橋河。一名護城河。源出興義縣城西之破古。東流經城南。而北注于深溪。

按花橋河。源出興義縣西之破古。流二十里。至城西。東經城南。而北注于深溪。匯流入南盤江。



魚龍河

魚龍河。源出興義縣之東壩龍潭。東南流。匯諸溪水。伏流經天生橋。注于馬別河。

按魚龍河。源出興義縣之東壩龍潭。東南流。控引高卡。補路。納寡諸溪。而伏流經天生橋。注于馬別河。匯流八南盤江。

塊澤河

塊澤河。源出雲南霑益州。經平夷縣。羅平州。入興義縣境。南流注于南盤江。

按塊澤河。源出霑益州之東山。初名清水江。東南流。經平夷縣西。

又南流。至羅平州東北。右會九龍河。九龍河。出師宗縣。東至羅平州。入于清水江。又東南流。至亦佐故城東南。左納黃泥河。黃泥河。詳後。又南流。變名塊澤河。

興義府志

卷十二

水道

又名塊菜河。經羅平州之東界。興義縣之西界。而入于南盤江。

黃泥河 江底河附

黃泥河。源出雲南平彝縣。經羅平州至普安廳。分爲二流。其南流。入興義縣西境。變名江底河。與塊澤河合流。而注于南盤江。其北流。經水城廳。入普安縣安南縣境。而注于毛口之北盤江。

識略云。興義縣西南。有黃泥河。亦名江底河。上自平彝縣羅平州。入縣界。經白雲屯。西南入紅水江。又云。普安縣之讓里。有黃泥河。下通毛口渡。上通雲南。有小舟。對渡爲水城界。鹽販必由之路。又云。凡由滇入黔。以黃泥河爲要害。由粵入滇。以江底河爲要害。

按興義縣之黃泥河。即普安縣之黃泥河。蓋一源而分爲二流也。黃泥河。源出平彝縣。經羅平州。至普安廳。分爲二流。其南流。入興



義縣西境。變名江底河。匯塊澤河。而注于南盤江。其北流。經水城廳。入普安縣境。過讓里。匯可渡河。合流經安南縣。同注于毛口之北盤江。

魯溝河

魯溝河。源出普安廳。經普安縣。至興義府之阿棒。變名阿棒河。又經貞豐册亨。而入于北盤江。

通志云。魯溝河。在普安縣東八十里。險要足恃。

菴菴閣集云。盤江。入生苗界。有魯溝水。自籠西北木舌寨山。東流注之。

識略云。魯溝河。在普安縣城東八十里。即府屬之阿棒河。經郡西北木舌寨山。東流合於南盤江。

興義府志

卷十二

水道

按魯溝河。源出普安廳之魯土營。東流屈曲。經普安縣東。繞興義府之阿棒境而東注。變名阿棒河。

阿棒河

魯溝河。至興義府北之阿棒。變名阿棒河。又東經貞豐州西。籠納溪注之。又東流。至貞豐把蘭村。變名把蘭河。

舊志云。魯溝河。在府城北五十里。廣可五丈。發源於普安州之魯土。曲繞阿棒。又名阿棒河。達于永豐。

按魯溝河。流入興義府北境。至阿棒而東注。變名阿棒河。又名卡子河。再東流。入貞豐州之西界。左有籠納溪注之。籠納溪。詳後。又東流。

至貞豐之把蘭村。變名把蘭河。

把蘭河者黨河附



阿棒河。東流至貞豐之把蘭村。變名把蘭河。又東南流。至者黨。變名者黨河。經册亭。入于北盤江。

按阿棒河。東流至貞豐州西二十里。把蘭村。變名把蘭河。河上有石梁。又東南流。至者黨。變名者黨河。自府赴州。道出于此。又東南流。至天生橋。經册亭東北境。渟為些年海。詳後。入北盤江。

### 籠納溪

籠納溪。源出安南縣之籠納山。南流。經貞豐州西。注于阿棒河。

舊志云。籠納溪。在府城北七十里。闊數丈。源出安南。匯籠納山泉成溪。灌田數千畝。入永豐。

按籠納溪。源出籠納山。山為府與安南縣分界之山。籠納溪。控引山泉。合流成溪。畎澮交注。溉田數千。東南流。經貞豐西界。而入于

## 興義府志

### 卷十二

水道

二十一

貴陽文通書局代印

### 阿棒河

### 都威河

都威河。源出府之西北。其渟曰鍋背海。伏而南流數十里。入於南盤江。

通志云。都威河。在城西三十八里。

舊志云。都威河。闊四丈許。源出普安州。匯於鍋背海。潛流數十里。入於紅水江。潭深水碧。魚最美。漁人冬取之。

會典云。都威河。南注南盤江。

菴菴閣文集云。圖經。南盤江。至西隆州界。又東北有馬別河。合深溪木郎諸水。南流經府境。東合都威河而東南來會。

### 八臥溪



八臥溪。在冊亭城南之八臥。源出府治南。東南流。經冊亭。入南盤江。會典云。八臥溪。出府治南。東南流。注南盤江。

按八臥溪。在今冊亭城南之八臥。其下流。即冗渡河。龍渣河。

冗渡河 龍渣河附

冗渡河。在冊亭城南。東南流。變名龍渣河。入南盤江。

通志云。冗渡河。在冊亭。流入龍渣河。至者屯。迤邐而歸紅水江。

按冗渡河。在冊亭南。東南流。至龍渣甲。變名龍渣河。經者屯。而入于南盤江。

八渡江

八渡江。在冊亭城南之八渡。即南盤江之下流。

通志云。八渡江。在冊亭。即紅江下流。通雲南羅平州。達粵西界。乃

興義府志

卷十二

水道

黔粵之要津。

識略云。南盤江。經冊亭。亦曰八渡江。

按八渡江。在冊亭城南之八渡。即南盤江之下流。東流即雙江口。

北盤江。南流來會。乃南北兩盤江。交匯合流處也。

樂繁河 達嶺河百樂河附

樂繁河。在冊亭東北。南流。變名達嶺河。又南流。變名百樂河。入南盤江。

通志云。樂繁河。在冊亭東北。南流為達嶺河。又南為百樂河。南入于紅水江。

按樂繁河。在冊亭之樂煩甲。又名樂煩河。繁煩。字異音同也。識略作樂盤河誤。



板貴河

板貴河在貞豐州城北。即北盤江之下流。

識略云。北盤江。至貞豐。經花江板貴。下會紅水江。

按板貴河。水性剽險。即北盤江之下流。北盤江南流。入貞豐境。經九盤花江。至板貴。變名曰板貴河。又南流。經董箐。百層者坪。羅炎打賓者香。渡邑而入于南盤江。

附詩

渡板貴河 在花江下流十餘里

道光副貢生 張國華 興義府人

花江上下流。無如板貴險。小艇兩三人。打頭波激激。撥棹至中邊。倏被驚風閃。有如箭離弦。但見山齊轉。篙工為我言。已去十里遠。跌宕兩危灘。沈淪聊幸免。當時忽不知。聞言幾破膽。安得疏鑿人。

興義府志

卷十二

水道

二十三

貴陽文通書局代印

平茲浪激湍。鞭起亂石橫。去危而就坦。僅留一綫波。浮梁架石板。往來慶康衢。至德千秋感。

羅炎河

羅炎河在貞豐州城東。即北盤江下流。東南流至者香亭。入於南盤江。

通志云。羅炎河在州城東。一百二十里。即盤江下流。入紅水江。可行小舟。

按羅炎河在貞豐州城東。明史稱為羅炎河。鄂文端奏疏。稱為羅煩河。實則貞豐。即宋羅蕃國地。當稱羅蕃河。以音近而訛。河東南流。至者香亭。入于南盤江。

桑郎河



桑郎河。源出安順府南流經歸化廳。又南經貞豐境。入於南盤江。

按桑郎河。源出安順府東南。源有二。東源曰克孟。西源曰濛渡。合

而南流經歸化廳。又南入貞豐羅斛界。而注於南盤江。羅斛有桑郎甲即元

之桑州郎堡。通志云。永豐州有索農河。即桑郎河。以音近而訛。

### 西小溪

西小溪。源出安南縣之水橋。經貞豐州。入于北盤江。

識略云。貞豐州城西小溪。發源于安南之水橋。流入州城山後。入地伏流十一里。出為小溪。入北盤江。

### 拖長江

拖長江。出普安廳西南。經普安縣安南縣境。而入於北盤江。

通志云。拖長江。源出沙陀石巖中。下通盤石。

## 興義府志

### 卷十二

水道

二十四

貴陽文通書局代印

按拖長江。即古之漏江也。水經注云。漏江。東與盤江合。即拖長江

也。江源。出普安廳西南之沙陀石。二源合而東北流。梅子水注之。

水出海口。又東豬場河注之。河出宣威州界。又東經廳城之北。而東南流。經

軟橋故驛西。軟橋水注之。又東南流。三一水注之。通志云。三一溪。其源有三。一出

沙河莊。一出目前山。一出雲南坡。三流合波。故曰三一也。又南經

水洞。至廳南界。名曰庚戌河。紀略云。魯土營。在廳南。地接興義縣。

循庚戌河而北。東聯府境。又接普安縣之馬乃營。是已。庚戌河。東

北流。新石河注之。又東北。至南板橋。變名南板橋河。又東入於拖

長江。又東至天生橋而伏流。明宏治中。普安夷婦米魯反。築三寨於

拖長江側。即築於此水之側也。又東南流。出於普安縣北。即古之

蟻口是也。華陽國志云。漏江。距縣九十里。出蟻口。水經注。作蟻口。蜀都賦云。漏江。湫流潰其阿。即此拖長江。伏流重出之

也。又流至安南縣西北界。右納者卜河水。詳後。亦即名者卜河。

會典云。拖長江。上源曰者卜河。山川。又東納一水。水出驛道。又東



至安南縣北。右納一水。水南出北注。而注於北盤江。

者卜河。者馬河附

者卜河。源出興義縣西北之楊那山。經普安縣。入安南縣境。與拖長江合流。匯注于北盤江。

明史云。安南之東南。有者卜河。自普安州流入。注于盤江。

明一統志云。者卜河。在安南城東南四十里。自楊那山水溪合流。曲折二百餘里。入盤江。

通志云。者卜河下流。自安南流入境。注于盤江。

識略云。者卜河。出普安廳東南百六十里之楊那山。

按者卜河。源出楊那山。山今在興義縣地。者卜河。其下流又名者馬河。通志云。者馬河。即者卜河之下流。

興義府志

卷十二

水道

二十五

貴陽文通書局代印

西甯河

安流河附

西甯河。在安南縣城西。其下流即安流河。注于拖長江。合流而入于北盤江。

安南志云。西甯河。在縣城西十里。山溪匯流成河。夏日水漲。土人

束藤為橋。緣藤而渡。數修古橋。成而復圯。

菴施閣集云。西甯河。注拖長江。

按舊志水道圖。西甯河。在安南縣城西。其下流。為安流河。注于拖長江。合流而入于北盤江。

馬畢河

馬畢河。出普安縣新城西北。經安南縣東。納都城河。江西坡河。阿黑河。而入於北盤江。



菴菴閣集云。馬別河。即馬畢水。出新城之西北山。東經新城北。又折而東北。經高武塘。左納都城河。河出西界山。右得江。西坡河。同注馬畢河。又東北。經安姑塘東。而東北注於盤江。

按馬畢河。即馬別之分流。河分二流。一經興義縣。入南盤江。土人呼為馬別河。一經安南縣。入北盤江。土人呼為馬畢河。畢別音同而訛也。南。洪亮吉云。北盤江東。即馬畢河。或又訛為馬軍河。

馬京河。洪亮吉云。馬畢河。水道提綱。作馬軍河。誤。或又作馬京河。源出普安縣新城之西北山。

左納都城河。江西坡河。經安南縣東而南注。右納阿黑河。注於北盤江。

### 阿黑河

阿黑河。源出安南縣東南之犀牛洞。東南流注馬畢河。而入於北盤江。

### 興義府志

### 卷十二

水道

二十六

貴陽文通書局代印

通志云。安南縣東南十餘里。蹊徑幽僻。有水一泓。深不可測。大樹上覆。葉落水上。鳥輒銜去。其水導流。謂之阿黑河。

安南志云。阿黑河。在縣東二十里。源出阿黑橋側之犀牛洞。匯大章河。入于北盤江。

菴菴閣集云。阿黑河。合馬畢河。自安南縣東境。來注盤江。

### 都城河

都城河。出安南縣。東流。右納江西坡河。合注馬畢河。而入於北盤江。黔中水道考云。都城河。自安南縣界。得江西坡水。至高武汛。西注馬畢河。

按都城河。出西界山。東流。右納江西坡河。又東南至高武汛。注馬畢河。入於北盤江。



江西坡河

江西坡河。一名大橋河。出普安縣之江西坡。東南流。經安南縣境。合都城河。馬畢河。入于北盤江。

方輿紀要云。江西坡河。自江西坡。東南流。入于盤江。

菴菴閣集云。江西坡河。注馬畢河。

識略云。普安縣大橋河。即安南縣之江西坡河。

通志云。大橋河。在普安縣北四十里。為滇黔之要津。

按江西坡河。源出普安縣之江西坡。又名大橋河。以江西坡橋而名也。普安縣。安南縣。于此分界。河東南流。入安南境。合都城河水。又東南流。至高武汛。注馬別河。而入于北盤江。

大章河

大章河。在安南縣城東。有舟渡。

通志云。大章河。在安南城東四十里。有舟渡。

安南志云。在縣城東四十里。南岸居民。以舟渡行人。

者桑河

者桑河。在府城西。六十里。

按者桑河。在府城西六十里。上有小橋。曰者桑橋。

阿足河

阿足河。在府城西七十里。

湯湯河

湯湯河。在府城西七十里。

洗馬河



洗馬河。在府城西之新屯。

按洗馬河。在府城西之新屯寨。源出魯屯之七孔塘。府親轄境。與興義縣境。以此河分界。

虎場河。花障河附

虎場河。在府之北鄉。

按虎場河。在府之北鄉。匯衆山溪流。為河。即花障河之上流。由虎場。流至東鄉之納坡。渟蓄里許。再流至花障。為花障河。

筏子河

筏子河。在府城北五十里。

按筏子河。在府城北七十里。為額老之要津。

馬路河

馬路河。在府城北七十里。

興義府志

卷十二

諸泉

二十八

貴陽文通書局代印

興義府泉

珍珠泉。在城東半里之龍井山。

通志云。在城東半里。上建龍神廟。故又名龍井。其泉方二丈。湧水如珠。

舊志云。龍井山中峯有泉。水湧如珠。名珍珠泉。味清冽。足供郡城之飲。餘溢外濠。田圃資其灌溉。

按今在城內東南隅。是為東龍井泉。

附詩

珍珠泉

乾隆南 李其昌 成都人

可是合浦還。迸出龍山下。不滿弄珠心。清光偏四射。見舊志。



珍珠泉

乾隆石阡府訓導 楊彥徵 南籠人

寒泉山下出。泠泠甘且冽。淡永春波味。炎夏味不熱。冬冷秋清涼。凜然欺霜雪。足跡半天下。未見此涓潔。萬斛湧珠泉。疑是鮫入穴。不然憑呼吸。如何無斷絕。我來盡日坐。注目觀巧綴。大小相錯落。圓光一氣泄。或時風宕漾。怕礙金波缺。貫穿如纍纍。散空多奇譎。物理靜中參。悟來禪心徹。海市與蜃樓。幻影工施設。相彼驪龍戲。終古用不竭。是空卻非空。非空乃空訣。靈顛還太虛。佳名于今烈。

見靜齋詩草

珍珠泉

道光貢生 桑 湛 興義府人

一串牟尼出井泉。噴從石竇象珠聯。源頭混混探驪得。水面熒熒倩蟻穿。激起何曾殊照乘。跳來原不亂登船。淳流山下無窮碧。惠

興義府志

卷十二

諸泉

二十九

貴陽交通書局代印

我岑南億萬年。

西龍井。在城西半里之飛鳳山麓。

舊志云。在城西半里。出於西山之麓。泉清味冽。匯溢西流。

按今在大西門外。飛鳳山麓。

以冲海。在城西南四里。

方輿紀要云。在城南。周三里。深不可測。旁有石門。海子之水注入焉。

舊志云。在城西南四里。深不可測。旁有竇。水注入。如尾閭。

綠海。在城北十里。

通志云。在城北十里。衆水所歸。深數丈。廣數里。

舊志云。綠海。在城東北十里。水色澄綠。四時不改。



識略云。綠海。在城東北。衆水匯焉。澄而不流。水色深碧。按綠海。水色翠綠。周數里。深不可測。中多遊鱗。四圍皆山。名爲海。實山澗也。

附詩

綠海

李其昌

卽水可窮源。况乃綠於海。涵暉動碧虛。此意無人解。不有綠如許。承流那漱芳。渾然潛濟處。天外瀉清光。衆流歸海意。此水永澄清。不改春波色。堪酬萬壑情。猶聞澈處沉。海是何年綠。在昔渾難明。只今常湛若。澈處海。在綠海東。

舊志云。澈處海。在綠海東。中隔崇山。綠海之水。由石洞暗匯於此。

興義府志

卷十二

諸泉

三十

貴陽文通書局代印

周可二里。中有小山。爲澈處寨。相傳寨民捕魚。得其巨者。食之而饜。是夜地沉爲海。水淺時。猶見牆垣形。

按食魚地沉之說。荒誕不足信。澈處海。上通綠海。下通貞豐之暨年海。識略于撒處海。訛作以處海誤。

北海子。在城北五里。

通志云。北海子。在城北。環繞滌洄。上距北關。下聯綠海。延袤數十里。

舊志云。北海子。在城東北。春冬水涸。九曲形留。而海坪寬闊。可牧牛馬。水盛則爲魚藪。

按北海子。秋冬水涸。卽爲平陸。居民種菘麥。蚍蚹。水潦旣降。卽成巨浸。



鍋背海。在城西北。

按詳前都威河條。

蝦蟆井。在城北一十五里。

通志云。在城北一十五里。井上有石。仰面向人。如蝦蟆狀。

躍魚灘。在北門外。

舊志云。灘有數石。長丈餘。形如魚。昂首向城。若躍龍門之狀。

興義縣泉

烏龍泉。在城內西隅。

按烏龍泉井。相傳下有豬婆龍。嘗聞有聲。昔吳三桂兵經此。汲泉。見豬婆龍。因沈鐵鑊覆之。加以土。令土苗世主其祭。遇旱禱雨。掘土至泉底。見鑊即雨。

興義府志

卷十二

諸泉

桃井。在南門外。

按井在南門外。牛鼻橋邊。泉極甘美。

三台泉。在城南一十五里。

按在三台山上。泉從山腰流出。色清而甘。四時不涸。

響水。在城南二十里。

按響水。在城南二十里。郡人田思麟有詩。

附詩

響水

生員

田思麟

興義府人

危崖曲水吞。其韻清而爽。豈是不平鳴。妙過行雲響。

碧雲泉。在縣城南。捧鮮城北一里。

按在捧鮮之碧雲洞。巖下滴泉。色澄味冽。不涸不流。



三屯勝泉。在城南之五屯。

按在南里之上五屯後山腰。水清淺。上下二屯。及王屯居民。開三溝引泉。分灌三屯田。

龍潭。在城南二里。

按潭周數丈。深不可測。水清而甘。禱雨多應。泉流溢出。資以溝田。靈跡山池。在城南二十五里。

按在高卡寨後。山半有洞。高二丈。寬如之。上聳側巖。池在洞內。廣丈餘。水清淺。深二三尺。遊魚可數。中聳一石。出水數寸。每日池水稍長。可視石驗之。

穆家井。在小西門內。

按井在小西門內。泉清而味冽。

興義府志

卷十二

諸泉

三十二

貴陽文通書局代印

七孔塘。在城東北魯屯。

按塘在魯屯。凡七十七孔。泉水清激。環繞魯屯。

疊水瀑。在北門外。

按北門外里許。有飛瀑數丈。望如晴雪。

天生橋瀑。在城東二十里。

按瀑在城東二十里。兩山對峙。壁立千仞。中隔一澗。其澗之上流。即普安縣之樓下河。其下流。南流注于紅水江。澗上舊有橋。今圯。橋舊名天生橋。或云。名天星橋。天生橋。則縣南十二里之天生一石如橋者。是也。澗側。兩山懸瀑。凡六。奇于永甯州之白水河瀑。山路險狹。峭壁之石。奇如倒垂芙蓉。山根。有奇石如獅。色綠。若俯視澗。泉奔飲狀。行人過此。自上而下。自山巔下緣石徑。至山麓。于瀑



下。穿瀑而過。寒透肌骨。澗水剽疾。有渡舟。可亂流渡。對山之腰。有一奇石。如雲立。如屋覆。石下如洞。中祀觀音像。其奇景。悠然別有天地。爲縣之勝景第一。

附詩

偕朱蓮生逢甲茂才天生橋觀奇石瀑布

咸豐興義縣知縣 吳江人

侵晨出郭門。白雲半山起。

關保

相約駐輿看。心活色然喜。行行復

行行。遠山如高士。山遠行漸近。之字路迤邐。雲奇石更奇。奇絕畫

難比。寫奇惟有詩。詩在空山裏。

逢甲

山空靈且秀。高山有流水。一

澗界兩山。兩山屹對峙。山石縐瘦透。拜合下顛米。或如蓮倒垂。或如獅下視。隔澗山上樹。樹小立如薺。隔澗山上人。人小行如螳。四

面瀑布飛。仰觀且徙倚。坐石復飽看。日斜興未已。山花幽更香。人穿飛瀑底。躡石過小溪。遙見崩橋址。古渡橫小艇。其木薄如紙。儂本水國人。招招呼舟子。驚濤竟飛渡。再登健屐齒。關保絕壁愈奇峭。遙望笑而指。山腰洞尤奇。古佛恍我俟。賈勇以先登。仙境有如此。回看穿瀑處。隔澗疑尺咫。胸次各悠然。冲曠自今始。會心不在遠。且住爲佳耳。點綴宜築亭。鑿石斯遊紀。相顧談忘言。微笑但曰唯。逢甲同是故鄉人。相逢道故里。故里好湖山。與此同清美。今日快哉遊。後會知有幾。何時歸去來。尋山水之涘。山靜悟太古。同參微妙理。聯吟興轉豪。不知其所以。僮僕促我歸。與子詠歸矣。關保

普安縣泉

大龍潭。在城西一里。



按大龍潭。一名天地潭。通觀音洞之二龍洞。又通觀音巖之三龍洞。三龍洞之水。常上潮潭。滔滔有聲。

龍飲池。在城南七里。

按龍飲池。在觀音洞之二龍洞前。關帝廟下。池水四時不竭。

磨盤山瀑布。在城南八十里。

通志云。磨盤山巖間懸瀑有三。

### 安南縣泉

尾灑泉。在城內南隅。

明一統志云。在南門之內。

白麓泉。在城南一里。

明一統志云。在城南一里。

### 興義府志

#### 卷十二

諸泉

三十四

貴陽文通書局代印

通志云。源出晴龍山澗。

安南志云。在城南一里。源出飛鳳山澗。城南居民。汲飲資之。

朝陽泉。在城東一里。

通志云。朝陽洞。石隙流泉。極為澄澈。

識略云。朝陽洞。澄澈如練。

清源泉。在城東一十三里。

明一統志云。清源洞。有泉滴成小池。水至清冷。

方輿紀要云。清源洞。有清泉流出。當官道旁。行旅資焉。

爆石泉。在城東二十里。

方輿紀要云。爆石巖。山半有泉。出石竇中。流注深潭。

通志云。爆石巖。山泉出竇注潭。於此禱雨常應。



盤江山泉。在城東三十里。

通志云。盤江山。鳥道百折。居民下山汲水甚艱。康熙中。總督高其倬。捐金鑿山。引泉以濟之。

碧玉泉。在城東南三十五里。

通志云。碧玉洞。中有寒泉一泓。四時不竭。

永澄泉。在城東北二里。

明一統志云。在城東北二里。

龍翔泉。在城東北五里。

通志云。龍翔山泉。四時不涸。禱雨有奇驗。

雙清泉。在城內西南隅。

明一統志云。在城內西北。按今在城西南。

興義府志

卷十二

諸泉

三十五

貴陽文通書局代印

通志云。雙清泉。二井相連。水極清甘。

按今在城西南。二井相連。水極清潔。外有池塘。如半月形。名月池。

道光二十四年。知縣章貽燕濬治。水深數尺。居民賴以資飲。

岐山巖瀑布。在城東二十里。

安南志云。岐山巖。石壁千仞。下有瀑布。瀉於阿黑河。巨觀也。

白石巖瀑布。在城西南五里。

明一統志云。白石巖峭絕。有飛泉直下。如瀑布狀。

通志云。巖壁陡峭。有飛泉千仞直下。暑天過之。寒氣侵肌。

附詩

懸巖瀑布 鵝關橫嶺處

闕名

橫嶺望懸泉。噴落千尋雪。行雲灑烟流。清寒界幽色。見安南志。



懸巖瀑布

雍正安南知縣何天衢

怒水衝山徑。懸巖挂白虹。神雷時出地。細雨日飛空。猿鳥雲間過。

江河嶺上通。年年飄細雨。蒼翠滴空濛。見安南志

清漣池。在城內縣署前。

明一統志云。在城中治南。

通志云。在城內署前。向時水涸。即有火患。守備周士達。浚深。蓄水以厭之。

安南志云。清漣池。水涸即有火患。水漲又阻行人。雍正五年。守備周士達。浚深。而圍以石墻。火患息。而行人便焉。

按清漣池即泮池。嘉慶時漸淤淺。道光二十四年。知縣章貽燕。又浚深八尺。圍以石欄。中建池心亭。顏曰漣池雲影。二十九年。典史

興義府志

卷十二

諸泉

三十六

貴陽文通書局代印

孫榮。又將石欄增高。

飲馬池。在城南三里鴉關下。

通志云。相傳漢將軍關索。軍至此渴甚。泉忽湧出成池。明參將林喬南。勒碑池左。曰甘泉聖跡。康熙中總督蔡毓榮。勒且以飲人四字。

識略云。飲馬池。在城南三里。鴉關下。

東門池。在城東。

通志云。在城東門外。廣數畝。恒蓄魚以供祀事。

斷山池。在城南八十里。

通志云。斷山。在城南八十里。山巔有池。

龍潭。在城東北十餘里。



安南志云。龍潭。在東北十餘里。蹊徑幽僻。潭水深不可測。一大樹曲覆其上。葉落水上。鳥輒銜去。雍正九年四月。龍自潭升。三潮水。在城東北。

安南志云。三潮水。即在龍潭前。水自穴出。滿而不溢。

### 貞豐州泉

安樂井。在城內。

識略云。城內有安樂井。以之炊粟。則變爲赤。土人食之。無患。漢人食之。則病。

按通志。謂安樂井。即石峽泉。識略則分爲二。今從識略。

清涼泉。在城內。知州署後。

識略云。州署後。山頂有泉。清冽倍常。病熱者。取飲可解。

### 興義府志

#### 卷十二

諸泉

三十七

貴陽文通書局代印

東龍井泉。在城南二里之龍井山。

識略云。龍井。在城南二里。清冷澄澈。

按泉水甘芳。其源既深。汲取不竭。田資灌溉。

西龍井泉。在城西。

識略云。貞豐州泉。惟龍泉石匣爲佳。

按西龍井泉清冽。距城僅數十步。

石峽泉。在城南一里。

通志云。水味清甘。灌田數十頃。

按石峽泉。今土人呼爲石匣泉。泉在城南里許。田疇平衍。中起一阜。下開石峽一。泉水流出。甘冽清潔。冠邑中諸水。品泉者賞之。後有人慮水被污。以石甃匣覆其上。於是訛石峽爲石匣矣。



蟠龍樹泉。在城南一十里。

按在城南一十里。蟠龍樹下。蟠龍樹根。與石糾合而生。如龍之蟠。高數丈。夏不結實。冬不凋葉。蔭可覆百餘人。下湧清泉。過客憩息。納涼者。多掬泉飲之。

大水井。在城內東街。

田壩井。在城內清真寺。

小水井。在城東門左。

一碗井。在城三里。

按山半有石。如碗形。中滿清泉。雖多人飲之不竭。

馬槽潭。在城西五里。

按在天馬山之麓。

興義府志

卷十二

諸泉

三十八

貴陽文通書局代印

冊亭泉

雙龍泉。在州同署西。

通志云。雙龍泉。在冊亭州同署西。四時不竭。

南屏泉。在城南一里。

按南屏山上。有清泉。味甘如醴。

溫泉。寒泉。在城南百里。

按在板集寨之三泉洞。洞出泉。流出灌田。洞左四五丈。有溫泉。洞左三丈。有寒泉。雖當盛暑。飲之清涼。

豈年海。在城東北。

舊志云。豈年海。潛通府北之綠海。

按全郡諸水。雖有名江名河者。實皆萬山溪澗。匯流而成。故不可



以濬浚。雨多卽泛溢。旱卽淺涸。無堰閘以資蓄洩。是以無水利。至于諸泉。雖有名井名海者。實皆涇池也。